

nisi Regis providentia mercatorum avaritiæ per quos vinum igne stillatum ac decoctum barbaris ingeritur, frenos injiciat. Si remedii nihil affertur huic malo, brevi non religionem solum amissam lugebimus, sed Gallicam quoque Coloniam penitus eversam. Quippe barbaros in Gallorum fide nihil continet præter religionem; hac deperdita confluent omnes ad vicinos hæreticos apud quos lucri multo plus, quam apud Gallos faciunt, et suas merces commodius distrahunt. Quominus ad eos se conferant obstat salutis æternæ ratio, cujus inter illos nullam sibi spem fore sciunt. Hoc vinculo abrupto, soluta per ebrietatem et comites ebrietatis pestes, cura salutis et religione, actum est de Canadensi Gallorum colonia, peribit tot annorum tot bellorum, tot sacerdotum, labor, Nosti hæc, mi Pater: novit R. P. De Couvert, qui Lauretanæ Missi-
oni per annos septemdecim præfuit: ex eo, cum jam Quebeci degat, plura cognoscere poteris. Faxint Superi, ut quæ per eum inchoata feliciter, et ad eam quam videmus, maturitatem perducta sunt, tueri, ac si fas est, augere possim. Opus mihi sunt ad eam rem peculiariæ gratiæ cælestis auxilia, quæ ut Suis apud Deum precibus et ff. sacrificiis R^a. V^a. mihi obtineat enixè rogo.

R^æ.V^æ.

Servus in X^o.

LUDOVICUS DAVAUGOUR, S. J.

è Lauretano oppidulo

Nonis Octobr. 1710.